

Mvù Pôl dé toò jògò mé b̀ Yeésò b̀ ké Tesalonîk

Bèh bieé

¹ Né mè Pôl b̀ Silvên mé Timotê nyagá né kɔ́. Béh nyagá njií né mé b̀ǹ bì ké Tesalonîk, bí b̀ó mé né beè Càn Tele beèh b̀ Fehtoò beèh Yeésò *Kristò bilí den. Bó a, kúlú bí, bó haá bí dolê.

Dene b̀ Tesalonîk b̀

² Béh né Càn cu dɔ́ǹ felè bì dɔ́ǹ vra, béh né cu bú felè bì dua ndɔ́, béh sòn dù b̀.

³ Mɔ́ béh baá Càn dua, seé mé bí né mé njéh b̀ó kuú doò, béh né yeé teèn munó keéh, ye lòu sam bí né temé yoòr Yeésò Kristò kwaá njií, wa bí né bú gwaán ndɔ́, bí seé tema kuú né dé c̀ ma. Béh kɔ́ né ye, bí né lom ndèm mé Fehtoò beèh Yeésò Kristò tég kwaá njií.

⁴ B̀ mbeí mò, béh né kɔ́ ye, Càn né bí gwaán, à hèn balé weh né bí dé c̀.

⁵ Sâ tueé baá kènê ye, Njàgà Bagaà mé béh lé ndeè naâ bí se doò lé ngòr c̀í ná ngwêh, terreb Cúcuí Njàgà lé naá g̀i teèn ngulí den; béh lé naâ kɔ́ ye, béh tueé yíí né teèn ndɔ́. Bí lé naá g̀i te dene beèh lètenè bì nènê nyegé; sâ dɔ́ǹ lé naâ ye te gam bí.

⁶ Jomo sâ bí lé naâ faá béh nɔ́ b̀ó, bí né gule Fehtoò beèh bele, bí né temé te ngòr Cànɛ kwaá

njii, bí né lè gèr-e beè bò nùàr mbiín yilá ndeé, bó né bí bunó; mé njéh mene, terreb Cúcuí Njagá né seér cu bí yoòr lòu ngulí huóóm.

⁷ Yeé baá ménâ, bò Yeésò bò ké Masedínà mé Akayî dɔ́ɔ́n ɲene weh gi beè biì ndɔ.

⁸ Njua mé bí lé naâ ménâ bɔ́ɔ́ komo, te ngòr felè Fehtoò beèh ɲené yuo kelà teèn ké Masedínà mé Akayî, te ngóg ngulí nde felè biì bèh dɔ́ɔ́n, ye bí dua lom né Càn mé temé cén ma. Kènê béh njeré dèi teèn túé ságá ndé cú,

⁹ bò nùàr né gi mé be bɔ́ɔ́n felè biì tueé, ye cu mé béh lé waà naâ ké yoòr biì wa, bí lé naâ béh ke nyegé ma. Bó né cu tueé, ye bí kweéh seér aá temé biì kèn, wa bí be yoòr bò cècàn dɔ́ɔ́n sòm gi aá, bí kènê dua lom né Càn gècèn mé né Càn làn ma; ye bí né seé seèn bɔ́ɔ́ ndɔ,

¹⁰ wa Njuna seèn Yeésò mé à lé komo sɔ́ɔ́m naâ lè cio doò, bí né bú kela den ma. Né môn, à nées ké te vulúu ye. Lòu téná-juù à ndeé béh lè juù beè Càn yili sòm nde né kɔ́ɔ́.

2

Seé Pôl ké Tesalonik

¹ Bò nùàr mò, bí né gi mé feh biì kɔ́ɔ́ ye, seé mé béh lé bɔ́ɔ́ naâ ké lètenè biì lé mbaá mvúán lè ná ngwèh.

² Bí kɔ́ gi aá kèn ndɔ, ye béh lé naâ gèr ké Filíp fî ɲené, te béh waà ye ké Tesalonik yoòr biì. Béh yeé baá cu bí Njàgà Bagaà se nyegé, bò nùàr kókoó mbaá yila cu béh bunô ndɔ. Mé njéh mene, Càn lé haá ɲeí cuù naâ béh terreb dé haá,

te béh se bí Njàgà Bagaà mé lé yuoó naâ beè seèn mé njéh.

³ Bí kóó ye, ngòr Càṅ mé béh né tueé hên te nyeéne yùò ṅgwêh, béh kòb teèn yí ṅgwéh, béh bò nùàr lòu bèlè nyi ṅgwéh ndo.

⁴ Càṅ lé naá giì béh kweé nyegé, te à nde ye béh Njàgà Bagaà beè haá kwaá, te béh nde ye bò nùàr faá bèh mân se ndo. Béh túé ṅgwéh ye nuaré déi a, sèn béh seèn. Béh ko lom né dé beèh Càṅ; à ká lè beèh ṅene gi né kóó.

⁵ Bí né gi kóó, ye boó mene naàn, béh ngòr tánágà déi fèlà nyi bèh; béh túé nágá bèh dé kàgàlòṅ beè nuaré déi kwaà ndo. Mè tueé bí, Càṅ né sòn beèh kóó.

⁶ Béh túé ṅgwéh ye bò nùàr a, *sumù béh sumù. Né mene beè biì, né mene beè bò nùàr, béh teèn sam lág.

⁷ Mo sé né dé dene *sùsum deèn, béh né bò mbòṅ tebê Yeésò *Kristò, béh sé lé naâ bí yoòr ṅgumó. Mé njéh mene, béh seér ménâ gwàn ṅgwéh. Béh lé toò biì dólé seér cuù naâ lòu, béh boṅ seér cu bí, faá mèi huaân boṅ yeé bò ṅuna seèn no.

⁸ Sâ doṅṅ béh lé gwaán giì naâ bí, ye te béh tueé bí Njàgà Bagaà mé lé yuoó naâ beè Càṅ. Lé gí cégé ná ṅgwêh dé ngòr Càṅ tueê ndo, béh lé fèlè biì ṅgòn bilí naâ mé cio mene. Sâ ye bí né lom béh yoòr yilá faá cí no.

⁹ Seé faá seé no, béh lé naâ gèr mé njéh ké lètenè biì ṅené. Ngweéh bí né gi ménâ kóó mà, belà. Béh lé naâ seé mé cíbíteèn mene temá bilí. Sâ ye te béh bí yáb lòu dùà kì dèn cú, te bí sònò

beèh ñgweé lom Njàgà Bagaà mé lé yuoó naâ beè Càᅇ.

¹⁰ Dene beèh ké lètenè biì bò nùàr Càᅇ lé naâ ñagásé, dilísé ndo, veên déi lé teèn túán nyì ná ñgwêh lág. Bí lé naá giì dene beèh ñené; Càᅇ lé naâ ménâ ñené gií ndo.

¹¹ Bí né cu kóó gií, ye béh lé boó naâ mé nùà kàn ké lètenè biì faá tele boó yeé mé bò ñuna seèn no.

¹² Béh lé naâ bí seén, ye te yo taré bí tarè; béh né bí toó nyegé, béh né bí soó, ye bí a: bí dèn yí lòm dene biì teèn, faá Càᅇ gwaán nê no. Nùà ñèh né bú. À bí yilá né kóó, ye te bí yila ñgùlù nyí.

¹³ Béh né cu Càᅇ cu doón vra. Béh vra den né bú felè ñgòr seèn mé béh lé naâ ké lètenè biì tueé doô. Lòu sam, bí yeé baá ñgweé, bí lé naá giì lè sie kwaá, ye né ñgòr gècèn mé lé yuoó naâ beè Càᅇ, wa lé beè nùàr yùò ná ñgwêh ma. Á sâ, né lom môn ndo, né jéjég ñgòr Càᅇ. Bí bò Yeésò bò doón, à né mé terreb lètenè biì teèn.

¹⁴ Bò nùàr mò, gèr mé kwa né bí hên né faá gèr mé lé kwaá naâ bò nùàr Yeésò Kristò ké Judê ndo no. Sâ tueé né ye, bò loô bò biì tulu su aá bí gèr yoòr, faá bò *Jùf lé tulu suú naâ bò nùàr Càᅇ dé ké Judê no.

¹⁵ Bò Jùf hèllè lé naâ Fehtoò beèh Yeésò Kristò wulá som, bó lo bò *sòn-Càᅇ bò wula giì naâ kóó ndo. Béh doón, bó lé naá cuù béh bunó. Bó yeé

baá ménâ bɔ́, bó yuo Càṅ te temê, bó ḡa b̀ò b̀ùnò b̀ò njolò ǹàr d̀oṅ ndo.

¹⁶ Bó ye te bó yíin bilí béh mé ceér ḡòr Càṅ seè mene, te dàm ǹàr hihiné ḡòr Càṅ ḡwé kwà cú, te Càṅ b̀ò ǹàr ỳlì s̀òm cú ndo. Dàm veên b̀òn h̀èlè yeé mboón aá ménâ, Càṅ jeré njií bó yúlá-temé seèn yòr ndo.

P̀l baá mé tuaá b̀ò Tesalonik b̀ò

¹⁷ B̀ò ǹàr mò, béh né mé tuaá bií ká lè beèh, béh bí njolo kwàrè ḡwéh lòu, wanɔ́ṅ temé beèh jɔ́ṅ le lom né yòr bií. Cu d̀oṅ béh né gi gò ké yòr bií gwaán sɔ́.

¹⁸ Mè P̀l né mene mé feh mò lege, mé njéh mene *Sátàn né lom béh yíin, wanɔ́ṅ béh né lom gò ké yòr bií gwaán sɔ́.

¹⁹ Lòu sam, yè ndèm beèh mé v̀óṅ-temé beèh d̀oṅ né bí; te béh kwa ye tàṃ ḡṅṅ, te lòu mé Fehtoò beèh Yeésò ndeè cuù teèn, béh dobo tàbè toò seèn.

²⁰ Mè tueé bí, yo nde né béh lòu sâ mé bí samé kelá.

3

¹⁻² Béh yeé ḡene dé ménâ yoló deèn nde aá yɔ́ṅ, béh kaga lom aá ndòn, ye béh nde né Timotê ké yòr bií temá njií, te béh le lom ké Àtèn mé huún beèh. Timotê né òm beèh, béh bó bɔ́ yeé seé Càṅ kɔ́, béh bó né yeé Njàḡà Bagaà felè *Kristò se. Béh tema njií né bú ké yòr bií, te à nde bí seén, à toó nyegé bí te ceér Càṅe,

³ ye te gèr bí jìlì cú. Bí né gi kóó ye gèr ñenê né seé beèh ðóŋ.

⁴ Cu mé béh lé naâ ké lètenè biì, béh lé ye bí a, gèr ñenê né toò beèh teèn ma; hên né cí sâ, bí né gi kóó.

⁵ Mè lé Timotê hên tema njií kuú naâ dé cî. Mè yeé yolo mene, dé yolô sam cuú; mè ye te à nde jògò ke-ke bí née te ceér Càŋe ñgulí den ye wa. Càŋ lé naâ mè lè tené dé gècên, mè ndio lom ye merré déi *Sátàn bele weh gi aá bí kèn, te seé beèh mvuan le.

⁶ Timotê yeé nde aá, à cu cuù, à tueé lom béh ñgòr bebagaà dé gècên, ye béh a: bí née gi ñgulí den ye ma; wa bí né lom lètenè biì gwaán kuú ndo; ye béh a: bí né lom béh mé vógó-temé mene cu ðóŋ munó den, wa bí né taré mé tuaá beèh lè, faá béh né mé tuaá biì ndo ño.

⁷ Te Timotê yeé nde tueé gi béh mân, bò nùàr mò, yo sagár laré béh ðóŋ. Béh né mene mé gèr kwaré, béh dé sâ táŋ cú. Lòu sam, temé biì né lom yoòr Yeésò tég,

⁸ bí baá gi beè Fehtoò beèh, bí né lom bú tég sie. Sâ kènê temé beèh die aá lè kèn.

⁹ Mè tueé bí, gèh dàŋ vógó-temé mé bí né béh beè Càŋ haá hên, dé tueé sam, béh bú dé sâ vrà kó cú ndo.

¹⁰ Béh né lom bú suíteèn mé cíbíteèn mene dua, ye bú a, kòmò kéh béh ceér teèn, te béh nde ñene ñgweé cuù bí mé njolo ye, te béh feh jege bò njií mé né toò le ðóŋ.

¹¹ Béh né Tele beèh Càŋ nùà ñhèh bô Fehtoò beèh Yeésò dua, ye bó a: há béh ceér kóó, te béh

nde ké yoòr bìi.

¹² Béh ye Fehtoò beèh Yeésò a, bó yám dèn ká gwaân lètenè bìi yaàm; bú a, gàm bí te bí gwaán nyegé bò nùàr ðóŋ faá béh né bí gwaán ño;

¹³ à há bí terreb te ceér seène, te loù mé bó bò nùàr seèn ndeè cuù teèn, à kwa bí beè Tele beèh Càŋ, sâ bí né gi ñagásé tâŋ.

4

Dene mé né beè Càŋ ñagásé

¹ Sâ bò nùàr mò, mè tueé lo né ye bí a, bí dèn lòm beè Càŋ ñagásé faá béh lé feéh naá bí ño, te huom Càŋ yoòr. Béh né kóó ye, dene bìi né gi ménâ dág. Mé njéh mene béh né cu bí mé terreb yilí Fehtoò beèh Yeésò boŋ: kúkùr bìi, bí bó yógó kék cú ménâ.

² Bò njií mé béh lé feh belé naâ bí mé yilí Yeésò Fehtoò beèh ðóŋ, bí né gi kóó.

³ Càŋ gwaán né ye bí dèn lòm jolosé. Sâ tueé né ye: bí té yàgà ndé.

⁴ Nùà kàn a, kó lòm veèh seèn, bó bú dèn lòm beè nyí fà ðóŋ jolosé; te bò nùàr ñene ménâ, bó seén nyí teèn.

⁵ Bó té mé tuaá veèn lè faá bò Càŋ-kó ño dèn.

⁶ Te bò njií hên ðóŋ, nuaré déi a, té mbeí felè kék; nùàr té njèh mbeí kè mà ndo. Béh lé naá gi bí tueé kwaá, nùà kàn né mé tie cí, ye: bòó mé nde né teèn die yilá, Fehtoò beèh nde né bó gèr feh keéh.

⁷ Càŋ lé béh dé yàgà ndeê yilá fón ná ñgwêh; à lé yilá seér naâ béh, ye te béh ñaga seér beè nyí dé ñagâ.

⁸ Sâ kènê bí ñgweé gi aá kèn; nuaá mé si njií ñgòr hên doó, nùàr sì ñgwéh, à si njií né Càn Nùà ñjèh mé haá yeé bí Cúcuí Ñagâ kóó.

⁹ Béh né kóó ye, bí né dé bìi lètenè bìi gwaán kuú, bí túé cú ye, kò bó nyàgà túé ní sô bí njeré déi teèn, Càn lé naâ bí dé bìi feh gií.

¹⁰ Né mene bò nùàr Yeésò *Kristò ké Masedínà dɔ́ɔ́ɔ́, bí né gi yeé bó gwaán. Mé ñjéh mene, béh né cu bí bɔ́ɔ́: Kúkùr bìi bò nùàr mò, bí bó yógó kék cú dé jomò.

¹¹ Bí fágá lòm feh te bí den nɔ́ɔ́ɔ́; nuaré déi té lè ñjèh mbeí ló yílá; bò ñjèh bìi dɔ́ɔ́ɔ́, bí bó jí mé be bìi, te bí koó feh bìi mé ñjéh, faá béh lé tueé naâ bí nɔ́.

¹² Mò bí né mân bɔ́ó, bí bò nùàr kì ndé ñgwéh, ye bó a, kó bí koò. Sâ né mene bò Càn-kó, bó nde né bí teèn seén.

Lòu cuú Fehtoò beèh

¹³ Bò nùàr mò, béh gwaán né te bí kò nyegé ñjèh felè bòó mé lé naâ kuú; te bí dèn cú faá bòó mé ndèm yoòr Yeésò Kristò kwá ní ñgwéh nɔ́; wanɔ́ɔ́ɔ́ mɔ́ cio kwa baá bó, bó né yeé kú vuagá. Bí té dé bìi ménâ bó.

¹⁴ Lòu sam, béh né gi kóó ye, Yeésò lé naâ kuú, à komo yuo cu aá lè cio kèn. Mé béh né cu ménâ ndɔ́. Bòó mé né gi temé yoòr Yeésò kwaá njií dɔ́ɔ́ɔ́, Càn nde né bó felè seèn komó sòm keéh, à weh njií bó bó ké yoòr seèn.

¹⁵ Hên béh tueé nde aá bí bò ñgòr mé Fehtoò beèh lé feéh naâ mé sòn seèn, ye: lòu mé nýí cuù nde né teèn wa, bòó mé lé kuú baá, ndeè

kela logó nde né toò koo; te béh bòó mé née kú ngwééh ye, ndeè bele ye bó ma.

¹⁶ Sâ né lòu mé hueh tarê Càn nde né teèn ngulí. Cìlì seèn dé koò nde né lòu sâ tueé taré; tàn* Càn nde né tuagá; Yeésò Kristò Fehtoò beèh mé feh seèn ndeè né ké te vulúu suagá; bò nùàr mé lé naâ lè yilí seèn kuú gií doón komo yuo logó ndeè né koo;

¹⁷ te Càn nde ye béh bò lèlàn bò weh, à koró bilí béh bó doón te bègè. Jomo sâ béh bó nde né ké ter kem ñaá, te béh bò Fehtoò beèh kwaré ké sâ, béh bó den le ké yoòr seèn dé cu doón.

¹⁸ Ngòr hên, bí bó dólé kú bèh temé lètenè bìi mé njéh.

5

¹ Bò nùàr mò, felè cu mé bò njèh kèkènè sâ nde né teèn boó bele, bó bí dé bìi lòu nyàgà só ndé cú.

² Bí né gi mé feh bìi koo ye: Fehtoò beèh kar waà nde né lòu. Lòu sâ nde né faá nùà yîb kar waà né cibítenè nò.

³ Kò bò nùàr baá yo nyen, bó baá tueé ye: *wón huom aá, wa loó dolé baá ma. Kò baá ménâ, te kar waà ye felè boòn, kum som bó. Mè tueé bí, dé mvelé sam ndé ngwéh; ceéhr keéh nde né bó faá nyer ceéhr keéh yeé ma mé lèi hueèh nò.

⁴ Dé bìi, bí bèh cibì sam. Cieé sâ bí faá nùà yîb nò kár kwà ndé ngwéh.

* **4:16 4:16** Tògò dé koò mé hueh faá tàn nò. **5:2 5:2** Mat. 24:43; Lùk 12:39; 2 Pi. 3:10

⁵ Bí né gi dé bìi bòó mé ɔɔ né bèh ɲagâ, bí né bò bèsoné bò. Béh bò nuaá mé ɔɔ né bèh cibì sam, béh cibíteen ɔɔ bèh.

⁶ Mo né mân, sâ béh té lóm faá bò déi nɔ cèr dèn, béh nyimè dèn sér làn, béh né teen yoló kelá den.

⁷ Bó lóm cer yeé cibítenè, bó sela cibítenè ndɔ.

⁸ Dé beèh môn sam, béh né gi bò suútenè bò, béh yíyolò, béh kwá njí gí temé yoòr Yeésò, béh né lètenè beèh gwaán kuú. Sâ né kò dé beèh. Béh ndèm tég kwá njí lòm yoòr Yeésò mé nde né béh loù sâ yili sɔm. Sâ né cu tàmb taáb dé beèh ndɔ.

⁹ Càn lé béh dé ju dieè mé ná ɲgwêh, à lé balé kwaá seér naâ béh, ye te béh yili yuo mé Fehtoò beèh Yeésò *Kristò.

¹⁰ Yeésò Kristò lé naâ felè beèh kuú, ye te loù sâ béh né mene làn, béh kuú aá mene, te béh bó ndeè den beh ma.

¹¹ Á sâ, bí táré kú lètenè bìi ménâ doón; bí sén kú lètenè bìi seèn, faá bí boó ka yeé nɔ.

Bèh ceré

¹² Belà, béh né bí boɲ: bòó mé né seé Càn lètenè bìi temá, Fehtoò beèh bí haá kwaá né beè boòn, bó bí ceér feh yeé kóó; bí ɲgwé sòn boòn ɲgwèè.

¹³ Bí wèh kwá bó faá nùar beè bìi, bí gwàn bó mé temé cén ndɔ. Lòu sam, bó né mé seé Càn beè. Bí bò mbaábi dèn mé sòn cèn.

¹⁴ Belà, béh né bí dua, bí kwágá bò fùòb bò kwagaà ndɔ; bí tó nyégé bò veéh bò toò; bí gàm

bò yuyuaâ bò gaàm; bí kwá làrè sèṅ yoòr bòn doón.

¹⁵ Bí kè nyégé keè, nuaré déi a, té veên cú, bí húóm sér lètenè bìi lòù; bí bò nùàr doón húóm gí ménâ ndo.

¹⁶ Bí sàmè dèn cu doón lòù.

¹⁷ Bí dùà dèn Càṅ kèi cén.

¹⁸ Né mene kei, bí vrà dèn Càṅ teèn ménâ. Bí bò nùàr Yeésò Kristò, sâ né njií mé Càṅ gwaán né beè bìi.

¹⁹ Bí té Cúcuí Ṅagâ toò cí téná.

²⁰ Bí té ṅòr bò *sòn-Càṅ bò doó sì njí.

²¹ Njèh doón bí kè nyégé gí bagasé, te bí weh le mé bò dé bebagaà beè.

²² Bí té veên déi mé be cór nyì lág.

²³ Càṅ mé kulu dolé yeé njèh koó, bú a, sèné kwá bí beè seèn lòù, à ke nyégé yòṅ bìi mé càṅ bìi mé yo bìi mene, te lòù mé Fehtoò beèh Yeésò Kristò ndeè cuè teèn, à kwa lom bí ṅagásé tâṅ.

²⁴ À lé bí yilá naâ koó; à né nùà jéjêg, bú nùà njèh nde né bí mé feh seèn ke nyégé.

²⁵ Bò nùàr mò, bí dùà Càṅ felè beèh duaà ndo.

²⁶ Bí bíé kéh béh bò mbeí bìi doón, bí jógó siè bó beè.

²⁷ Mè né bí mé yilí Fehtoò beèh bṅ, bí jáné làrè mvù hên toò bò nùàr bìi doón.

²⁸ Húóm-temé Fehtoò beèh Yeésò Kristò a, ká siè gí bí beè.

Mvù Ngòŋ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025
f0e8e7ba-c2cf-57f7-9a60-8ff0e792e158